



Diddeleng, de 14. Juni 2024

Motioun

Keng öffentlech Gelder méi ausgi fir e Sweet Event

De Gemengerot stellt fest,

- dass an eiser Gesellschaft ze héich Quantitéiten u fetteren, salzegen a séisse Produite consomméiert ginn,
- dass Obesitéit e gesondheetleche Problem an eiser Gesellschaft ass,
- dass d'Zuelen zu Obesitéit an Iwwergewicht och bei eise Schoulkanner net ze negligéiere sinn (cf. Rapport vun der Schoulmedezin an der Schoulkommissioun vum 8. Februar 2024),
- dass "gesund Diddeleng" zum Zil huet d'Gesondheet vun Diddelenger Bierger*innen an de Méttelpunkt ze stellen,
- dass de Marketing an d'Reklammen, deene mär ausgesat sinn, en Impakt hunn op d'Loscht ongesond Liewensméttel ze consomméieren,
- dass de Sweet Event, an domat d'Promotioun vun ongesundem lessen, zu Diddeleng 2023 a 2024 mat öffentleche Suen ënnerstëtzt gouf (Budget rectificié 2023: 25.000 € / Budget 2024: 20.000 €; domat op 2 Joer gekuckt, viraussichtlech 45.000 €).

Invitéiert de Schäfferot:

- keng öffentlech Gelder méi zur Verfügung ze stelle fir d'Organisatioun an d'Promotioun vun engem Sweet Event zu Diddeleng.

Semiray Ahmedova

conseillère communale

Yves Steffen

conseiller communal